

REGLUGERÐ

um breytingu á reglugerð nr. 230 3. maí 1982 um tollafgreiðslugjald.

1. gr.

1. tl. 3. gr. reglugerðarinnar orðist svo:

1. Vörur sem falla undir I-IV flokk 1. gr. laga nr. 120/1976 um tollskrá o. fl. með síðari breytingum, þó skal undanþiggja gjaldi samkvæmt þessari grein hráefni í nefndum flokkum sem notuð eru til framleiðslu á vörum sem tollar hafa verið felldir niður af samkvæmt ákvæðum samnings um aðild Íslands að Fríverzlunarsamtökum Evrópu (EFTA) eða samnings Íslands við Efnahagsbandalag Evrópu (EBE), sbr. 1. gr. tollskrárlaga, enda sé við tollafgreiðslu hráefna þessarar gætt ákvæða 2. gr. auglýsingar nr. 541/1982 eftir því sem við getur átt.

2. gr.

2. tl. 4. gr. reglugerðarinnar orðist svo:

2. Vörur sem við innflutning eru tollfrjálsar skv. 1. gr. laga nr. 120/1976 um tollskrá o. fl. með síðari breytingum, án tillits til uppruna, og ekki eru vörugjaldsskyldar skv. 1. gr. laga nr. 107/1978 um sérstakt tímabundið vörugjald með síðari breytingum svo og vörur sem urðu vörugjaldsskyldar skv. 7. gr. laga nr. 79/1982 en voru fyrir gildistöku þeirra undanþegnar tollafgreiðslugjaldi; þó ekki vörur sem um ræðir í 1. tl. 3. gr., að undanskildum aðföngum til iðnaðar sem þar um ræðir.

3. gr.

Reglugerð þessi er sett samkvæmt heimild í 1. og 2. gr. laga nr. 5 27. febrúar 1982 um breytta tekjuöflun ríkissjóðs vegna ráðstafana í efnahagsmálum til þess að öðlast gildi þegar í stað.

Fjármálaráðuneytið. 10. september 1982.

F.h.r.

Höskuldur Jónsson.

Björn Hafsteinsson.